



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Manna Animæ Sev Exercitium Facile Simul Et Fructuosum Illis, Qui Quoquo Modo Vacare Orationi Desiderant**

**Segneri, Paolo**

**Dilingæ, 1699**

XX. Scimus, quoniam diligentibus Deum omnia cooperantur in bonum ijs,  
qui secundùm propositum vocati sunt Sancti. Rom. 8.

[urn:nbn:de:hbz:466:1-48281](https://nbn-resolving.org/urn:nbn:de:hbz:466:1-48281)

potes : induci, inquam, ut illi impetres aliquem Principis favorem, ut annulum dones aut vestem, aut aliud simile obsequium exhibeas. ut autem illum sumptu tuo alas continuo, æternum induci non poteris, quia videris in sinu tuo alere serpentem. Et hoc tamen est, quod continuo fieri vides à Christo JESU : *Pascet & potabit ingratos.* Miraculi instar maximi habebatur, quando S. Ambrosius etiam victum subministravit proditori, qui illi mortem machinabatur. porro hoc miraculum à Christo fit quotidie, isto discrimine, quod sanctus illud fecerit ei, qui prodere ipsum voluit, Christus autem illi faciat, à quo scit se iterum prodendum. *Qui manducat meum panem, levabit contra me calcaneum suum.* Jo. 13. v. 19. non solum levavit, sed etiam levabit.

§. Considera ad cumulum stuporis, postquam Dominus tantà erga homines benignitate est usus, cum cogi, ut talia dici audiat, quæ sint apta ad pariendam amaritudinem : *Et ad hec*

*amara audiet.* & que sunt illi audit? sunt querele hominum si parùm ab ipso amencat, vos, dicit Dominus, & dicitis quo dilexisti nos? Mal. 1. v. 13. sunt jam antiquæ in mundo. At cum semper faciunt incedere nunc certè ex quo Dominus amore se nobis in Sacramentis nificat, non sunt intolerabiles sed nec excusationis aliquod tunc, quantum enim monstravit, qui etiam cibum se voluit? tantum fecit desiderium intimè conjungendi, & quatenus liquid efficiendi nobiscum. igitur non dabit, qui se ipsius quidquid aliud dederit, minime non ergo meritò amarè fecerit deat te dubitare, an acceptum quod minus est, liquidem ad accipiendum rite redisponas, post tanto amore dedit, quod est *Pereat Samaria, quæ ad amaritudinem concitavit DEUM suum.* Ol. 14. v. 1.

## XX.

*Scimus, quoniam diligentibus DEUM omnia cooperantur in bonum, qui secundum propositum vocati sunt Sancti.* Rom. 8.

1. Considera felicem eorum conditionem, qui seriò student amare DEUM. illorum bono omnia serviunt: *Diligentibus DEUM omnia cooperantur in bonum.* ita constitutum

est Universum, ut partes ipsorum nobilioribus serviant. *Quis est, serviet Sapienti.* Prov. 15. & sic omnia demum debent esse obsequium illorum felicitati, &

studium amare DEUM, hoc est, qui sunt veri terræ nobiles, sunt grandes, sunt gloriosi, Prædestinati ad beatitudinem æternam: *Qui secundum primum vocati sunt Sancti*, haud dubie, nam quid demum est illorum prædestinatio: an aliud fortassis, quam illa absolutissima voluntas eos ad beatitudinem provehendi! Non est aliud: *Propositum miserandi*, ita varijs locis D. Augustinus appellat. hanc igitur voluntatem impleri neesse est: *Omnis voluntas mea fiet*. II. c. 6. v. 10. hoc enim significat vox propositi, voluntatem firmam, voluntatem fortem, voluntatem deliberatam: & ut ita adimpleatur, DEUS specialissimam habet curam electorum. *Oculus Domini super justos*, eos dirigit, gubernat, protegit, ut omnia, quæ illis accidunt, ipsorum bono serviant, hoc est, salutis animæ. *Diligentibus DEUM omnia cooperantur in bonum*.

2. Considera omnia, quæ accidere possunt homini, ad duo capita reduci, bona scilicet, & mala. De bonis facile intelligimus, quomodo electis cooperentur in bonum, quia faciunt, ut electi magis benedicant DEO, qui ipsi bene facit, & gratias agant, & adorent, & ament ardentius: *Cantabo Domino, qui bona tribuit mihi*. Ps. 121. v. 6. non tam facile id intelligitur de malis: & tamen certissimum est: quia cuncta mala vel sunt tribulationes, vel tentationes, vel peccata: & omnia Electis cooperantur in bonum. Cooperantur tribulationes, quia electis campum aperiunt vastissimum

exercendi virtutes. in infirmitate patientiam, in persecutione mansuetudinem, in paupertate modestiam, in depressione humilitatem, & in cunctis simul exactam resignationem in voluntatem Divinam. *Domini est, quod bonum est in oculis suis, faciat*. Cooperantur tentationes, quia sunt electis instar scholæ, in qua quotidie addiscunt dexteritatem pugnandi contra hostes infernales, superandi eorum vires, cavendi fraudes, & ita perpetuos reportandi triumphos. *Beatus vir, qui suffert tentationem, quoniam cum probatus fuerit, accipiet coronam vitæ*. Cooperantur ipsa etiam peccata: quia hæc amplam illis materiam subministrant doloris, compunctionis, pudoris, maxime verò providæ in futurum cautelæ, ne de virtute sua præsumant. *Ego vir videns paupertatem meam in virgâ indignationis ejus*. Thr. 3. v. 1. Tres sunt virgæ, quibus DEUS percutit Electos, virga correctionis, virga probationis, virga indignationis. Virga Correctionis sunt tribulationes, probationis tentationes, indignationis permissio peccatorum. Sub quavis istarum virgarum homo certò cognoscit suum nihilum, seseque demittit: sed sub nullâ cognoscit magis, quàm sub postrema: sub hac virgâ tremendâ indignationis. *Ego vir videns paupertatem meam in virgâ indignationis ejus*. Scio quæ tam quoque numerari virgam, quæ furoris dicitur, & est derelictio post peccatum. Porro ista non spectat ad Electos, & ideo nulla hic ejus est facta

ita mentio specialis. Ceterum vide tantisper, quam verè dicatur: *Diligentibus DEVM omnia cooperantur in bonum.* talis enim quisquis est, non habet, qui ipsi noceat. *Quis est, qui vobis noceat, si boni amulatores fueritis?* 1. Pet. 3. Contrarium circa impios contingit. nam si iustis malum quoque vertitur in bonum, impijs etiam bonum vertitur in malum, usque adeo, ut abutantur ipsa Clementia Divina ad peccandum audentiùs: *Peccavi, & quid accidit mihi triste?* Eccl. 5. v. 4. Ex quorum numero tu es, capisne è malo bonum, an è bono malum? hoc unum est è clarioribus signis, unde cognoscas, an sis de numero prædestinatorum an Reprobatorum. hæc quippe lex est: Prædestinatis mala quoque debent cedere in bonum: *Diligentibus DEVM omnia cooperantur in bonum, ijs, qui secundum propositum vocati sunt sancti.*

3. Considera hanc sententiam fortè tibi scopulum esse, in quem impingas. dices enim, si sis de numero Electorum, te saluum fore, quin admodum curæ tibi sit, quia demum cuncta quantumvis aliàs noxia tibi commodum allatura sunt. Sed vehementer hallucinaris. Cuncta ut ut aliàs noxia tibi commodum afferent, concedo: sed quando afferent? quando curabis, ut afferant. Audis, quomodo loquitur Apostolus: *Diligentibus DEVM omnia cooperantur in bonum.* non ait, *Operantur*, sed *cooperantur.* Itaque si mala ista debent operari tecum hoc

bonum (hoc enim est cooperari) aliter non potest, quam ut tu coopereris. hoc nisi facias, nec opereris. quia ipsorum non est cooperari. *Diligentibus DEVM omnia cooperantur in bonum.* deinde tu putas tam disertè dixisse Apostolum: *Diligentibus DEVM?* ac potuit *Dilectis à DEO* sed maluit *Diligentibus*: ne magis causa esset erroris fortè existens ad salutem tuam sufficere amoris, quo tu diligis DEUM, etiam amore, quo tu diligis DEUM. *Ego diligentes me diligo.* Si DEUS elegit ad gloriam, elegit, ut respondendo salvus fias: si non respondes, signum est, te non electum. an credis te salvandum vim? Electi sunt illi, qui secundum propositum vocati sunt sancti, hæc vocati sunt, ut sint inter sanctos. que electus es, vocatus es: quoniam prædestinavit, hos & vocavit. Non & si vocatus es, ut respondeas. porro quid hinc consequitur, tuum esse ut respondeas non respondeas. nam que ista vocatio, que te cogeret? non hoc vocari, sed compelli, sed Dominus vocat Electos ad fructum, sicut haud dubiè vocat, ut vocat, ut velut jumenta post se sed vocat, ut eum velut subditos servi sequantur. *Vocavi enim, & queretur se.* II. 41. v. 2. Quid ergo vis eligi, cura, ut coopereris, facere omittas, certus esto, te non re de numero electorum, hoc est,

horum, qui secundum propositum vocati sunt sancti.

4. Considera, si forte non capias, quomodo cum his, quæ diximus, conciliari possit immutabilitas Divini Decreti, quod ob suam firmitatem summam & vim maximam, vocatur *Propositiu miserandi*; alio opus non esse, quam ut subijcias superbum intellectum doctrina fidei, stabiliendo in te ipso principia ista simplicissima: nempe te salvum futurum, si bene agas, secus non futurum. hoc modo signum debis te esse de numero electorum, quia sic ipsa ignorantia, & incapacitas tua cooperabitur in bonum. O quantum est meritum illius, qui cum videat se quancunque ex causa plura assequi non posse, contentus est, quod servare DEO possit in sancta simplicitate, & ipsi, ad quos pertinet, altissima mysteria speculanda & explicanda permittit. Totum, quod à nobis Dominus

exigit, est, ut amemus. *Diligentibus DEVM omnia cooperantur in bonum: non contemplantibus, non celebrantibus, non predicantibus, sed diligentibus, quia hoc fieri potest ab omnibus.* Quid ergo amplius quaramus? cura, ut ames DEVM, hoc est, ut illi juxta conditionem status tui fidele præstes servitium, ejus mandatis obteneres, consilia sequaris: & si plus nescias, nihil refert, non equidem dicere poteris cum Apostolo: *Scimus, quia diligentibus DEVM omnia cooperantur in bonum, ijs, qui secundum propositum vocati sunt sancti.* Sed dicere poteris: *Experimur,* quia in praxi ejus rei veritatem intelliges, quam intellectu non penetras. quanquam quæ certior possit esse scientia, quam practica: hæc est scientia sanctorum. *Dedit illi scientia sanctorum,* quia operando capiunt mysteria, quæ alius studendo non percipit.

XXI.

## B. Aloysius Gonzaga.

*Oculi mei semper ad Dominum, quoniam ipse evellat de laqueo pedes meos.* Ps. 24. v. 15.

4. Considera mundum istum esse laqueis plenum, qui à demonibus tenduntur, adeo, ut gloriosus Antonius eorum intuitu totus cohorrue- rit. Quancunque incedas, *In medio laqueorum ingredieris.* Eccli. 9. v. 20. Quid igitur faciendum, ne cadas? for-

tè pedes aspiciendi? prorsus opposi- tum. potius sursum levandi sunt oculi, & convertendi ad Dominum: *Lux vultus mei non cadebat in terram.* Job. 29. v. 24. ita securior eris ab interitu, quia si tu de illo cogites, ipsius erit cogitare de te. *Convertimini ad me, &*

Ddd 3

eg.